



Inatsisartuni ilaasortaq Aqqaluk Heilmann, Atassut  
/maani

**Umiarsuit sinersortaait akii pillugit § 37 naapertorlugu apeqquteqaat 2019-034-  
imut akissut**

28-01-2019  
Suliaq nr.: 2019 - 1240  
Id nr. 37434713

Asasara Aqqaluk Heilmann

Inatsisartut suleriaasianni § 37 naapertorlugu apeqquteqaammut nassiussannut  
qujanaq. Apeqqutit matuma kinguliani allanneqarpoq, akissummillu malitseqarluni.

Postboks 909  
3900 Nuuk  
Tlf.: (+299) 34 50 00  
E-mail: box909@nanoq.gl  
Fax: (+299) 34 63 56  
www.naalakkersuisut.gl

**Apeqqut 1**

**Umiarsuaq sinersortaait aapperneqassappat nunatta karsianut qanoq  
akeqassava?**

Akissut: Umiarsuit sinersortaait marluk akii Naalakkersuisunit ilisimaneqanngillat. Akinut  
suliassat naammassineqartussat suunerinik sukumiisumik nassuiaasoqarnissaa  
apeqqutaassaaq. Tamatuma kingorna suliassaq  
neqerooruteqartitsivigineqartariaqassaaq.

Siunissami nunatsinni angallannerup ilusissaanut isumaliutit eqqarsaatigalugit  
Attaveqaqatigiinneq pillugu Isumasioqatigiinnissaq, 20.-21. marsi 2019-imi pisussamut  
Inatsisartuni Naalakkersuisunilu ilaasortanut tamanut qaaqqusissutiga  
innersuussutigerusuppara.

Isumasioqatigiinnermi Kalaallit Nunaanni attaveqaqatigiinnermi maanna pissutsit  
Inatsisartuni Naalakkersuisunilu ilaasortanut paasitinneqarnissaat, aammalu  
Inatsisartuni Naalakkersuisunilu ilaasortat umiarsuarnik, timmisartunik suluusalinnik  
qulimiguulinnillu ilaasunik angallassinermi ukiorpassuarni tulliuttuni sinaakktissat suut  
atorneqarnissaannut tapiliussassanik saqqummiussinissamut periarfissinneqarnissaat  
siunertarinqarpoq. Taamaalilluni Inatsisartuni Naalakkersuisunilu ilaasortat siunissami  
attaveqaqatigiinnerup ilusilersorneqarnissaanut suliamut akuutinneqassapput, aammalu  
ilaasunik angallassinermi sinaakkusiussassanik aalajangersaaqataatinneqassallutik.

Naalakkersuisut maannarpiaq suliassaq aallarnisalereerpaat, maannami  
attaveqaqatigiinneq pillugu isumasioqatigiinnermik sisamanik Avannaata Kommuniani,  
Kommune Qeqertalimmi, Qeqqata Kommuniani aamma Kommune Kujallermi  
ingerlatsisoqareerpoq. Aamma marsip qaammataani attaveqaqatigiinneq pillugu  
isumasioqatigiinnissamik Kommuneqarfik Sermersooq  
isumaqatigiissuteqarfigineqarpoq.

Isumasioqatigiinnerup ingerlanerani sullissisut attuumassutillit saqqummiussissapput,  
taakkulu attaveqaqatigiinnermut periarfissat pillugit apeqqutinut

akissuteqarsinnaassapput. Taakkunungaluu aamma umiarsuit sinersortaait pillugit periarfissat ilaatinneqassapput.

Neriuppunga qulaani allaqqasuni apeqquteqaatit akineqartoq.

Inussiarnersumik inuulluaqqusillunga



Karl Frederik Danielsen